



猶園第五目錄

釋異

隆菩薩

西域聖僧

慧廣大師

夜臺和尚

大智禪師

海潮寺病僧

南山和尚

徧融國師

花子觀音

淡薄苦松

幻空法師

峨眉山異僧

響佛和尚

西天竺比丘

猶園第五 目錄

紫柏禪師

雲棲大師

有門法師

震溟尊宿

心光長老

僧如榮

僧如清

僧廣槐

僧廣如

僧大冥

三塔寺漁翁夫婦

永倉錢氏子

京師婦人

陳道民

李倪兩木匠

錢貞奴

台州營卒

千善菩薩



西裏僧

雙宗

繆居士

桃花菴長老

張織丁

猶園第五目錄

二知不足齋重訂

猶園第五

釋異

隆菩薩

明吳會士人錢希言新撰



隆菩薩者卽永隆禪師也洪武中出家長洲尹山之崇福禪寺初爲寺僧逍遙放縱似顛似癡不爲同流所重一日火焚其殿禪師忽謂衆曰早晚錢塘江上當有大木客過將往募焉衆皆笑之諷其負襍而去至則果有江右大商王友諒巨木千章蔽江而下矣禪師遂從之

猶園第五

釋異

一知不足齋重訂

乞木友諒不允俄頃之間颶風暴作柎筏縱橫諸木起空中自相鬪擊墮折江濱漂流四散友諒計無所出急向空中叩頭請止因懸賞格以募能歸木者禪師立江岸呼曰汝肯悔過發歡喜心我當歸之友諒乃許捐其半以助修寺許訖而江濤頓息木亦漸還舊處鉤連如故觀者始知禪師是非常人頂禮而拜友諒語禪師曰吾木甚鉅易捨而難致奈何禪師曰莫憂但喜捨足矣木自安穩至也友諒遂分所捨之木置臥一處但見其木次第沒於江心若有鬼神牽拽之者不曉所謂禪師

還寺亟命集衆僧齊來昇木乃用巨纆汲向井中先後
逐根挽出適符其半之數遠近神之爭共施捨寺遂重
興其後洪武二十五年下度僧之令沙彌至南京者三
千餘人禪師預焉中有冒請度牒者忤犯龍顏上怒悉
命加戮禪師乞焚身以救免衆僧上允其議敕中官武
士衛其龕而出既至雨華臺下禪師出龕望闕拜辭仍
入龕中題一偈子又拈香一瓣書風調雨順四字授之
中官告曰煩語陛下遇旱請以此香禱雨於是端坐瞑
目口吐三昧火出自焚其身一時士女作禮悲哀見白

僧園第五 釋異

二知不足齋重訂

鶴數羣舞於龕頂上乃赦三千僧不誅時方大旱卽命
以禪師所遺瓣香送天禧寺中禱雨雨大降上歎曰此
真永隆雨也因製落魄僧詩以嘉之至今吳人稱禪師
爲隆菩薩取木之井猶在方丈內二廟御碑巍然尚存
而王友諒之聞孫世爲木商住天寧州上不替其業

西域聖僧

販的達者西域聖僧也洪武中來朝闕下馬足所踐地
湧金蓮高皇帝竒待之時的達與真人張宇皆侍從焉
帝令二人較術謂宇曰朕聞西域某國有玉龍可取試

爲朕設壇召將取之真人遂受詔作法的達止求盂水置前結跏趺坐而已約以三時返命俄逾六日不至帝心已懈命罷之字惶恐無地於是奏言的達破其術帝大笑復謂的達曰上人既能禁之亦能解之乎的達曰此最易事呼侍者取盂水瀉於地有頃諸神至矣以次入見對云取得玉龍行抵流沙忽見洪濤漲天遂迷失道六日後水退始得渡而玉龍竟沉於沙中失所在矣帝不悅的達便從懷內探出玉龍以獻帝駭以爲神賞賚無數

稽園第五 釋異

三知不足齋重訂

慧廣大師

慧廣大師俗姓姚氏名讓義常州無錫人也年三十從師披剃出家法名真緣徧叅名山老宿歷一十六年得念佛三昧萬歷戊戌夏四月師東遊渡江卓錫明州之阿育王寺親睹舍利光中現釋迦文佛法身師遂誓焚身以報佛恩卽從寺中普請衆僧求施薪葉人與一束壘而爲棚告衆僧曰二十五日是吾捨身之期也至日師取香油塗身結跏趺坐於柴棚之上端然不動合掌而誦佛號足下火燃俄成灰燼大衆咸見有五色祥光

自師頂門上起光中現出菩薩金身其長可二尺許晃然四照燭地亘天頤之映雲而滅於是道俗士庶填滿谿谷雨淚悲啼讚歎頂禮屠小儀隆親見其事作傳示余余至不及遇勝緣矣

夜臺和尚

夜臺和尚不知氏族鄉土何出嘗居五臺山獅子窟帶索藍縷幾不蔽身每夜赤脚持木魚誦佛遶徧東西南北中央諸臺山虎羣擁而至五色龍伏於鉢中號夜臺和尚焉亦嘗遊吳越間姑蘇華亭踪跡殆遍嘗以鐵環

獮園第五

釋異

四知不足齋重訂

璫鎖其項曳之於市上行重數百觔蜿蜒里許其去如飛人以其落拓無恭敬之心或有施一錢兩錢者或有施飯與之食食畢人家收其食器覺有異香疑之爲神忽去忽來不知夜臺所在萬歷辛亥年乘船經孟河口於時秋濤甚壯曉霧初消夜臺忽謂同舟客伴曰吾將歸矣大眾聽取遂翻身撲入江心端坐浪花中數十里揮手謝衆久之與海潮俱沒矣客伴大驚蹣跚悲號合掌作禮比及舉頭又見夜臺履空而去有慶雲承其足冉冉向西移時乃滅卽知聖賢之濶俗龍蛇難辨豈所

謂阿羅漢遊戲神通得大自在者乎

大智禪師

禪師名真融法號大智湖廣麻城人也貌黑而窪頰類
蓑衣真人自伏牛五臺峨眉九華諸大道場咸飯僧
之所至甚歷八年復過南海卓錫於補陀之後茶山塢
中峯名光熙地名千步沙初時止結小草菴不甚廣壘
土爲兩禪牀一以坐臥一以棲挂搭僧壁間供觀音佛
畫像一軸長明燈一盞而已遠近道俗共相矚仰風飄
露笠至者如雲嘗見禪師著破衲頭荷鋤剗草慕其苦

齋園第五 釋異

五知不足齋重訂

行無不傾心朝野聞之爭共喜捨航粟鏹而至者絡繹
海上五六年間遂建成大叢林淨室殿堂窮極土木莊
嚴煥曜金碧琳琅郡守吳安國改菴額曰海潮寺三十
四年今上遣御馬太監党禮賜所建寺額以護國鎮海
爲名香火之盛與補陀前後爭勝矣吳中大姓某氏叔
就華嚴樓於家將木瓦匠一并載去建之康時萬等
又捐貲造印妙法蓮華經二十四部送寺中供養瑯琊
王公世貞爲說偈一首護持其爲善信欽奉如此禪師
時有所言靡不奇驗絲是道俗咸敬之常在禪牀上入

定忽呼諸弟子曰大衆今日齋供船到海岸邊也速出
迎取弟子輩往海口果見江南大家載送米幾百石銀
幾百兩施主見僧徒來接莫不駭以爲神臨化之日囑
付其弟子曰汝等受十方供養不脩功行報蒼檀越最
難消受急須一心辦道無有異志得粒粟一錢必同堂
合爨庶不負吾華籛開林之恩從此不出十年此寺尚
當火災其不免乎若天然化去茶毘畢汝等便昇吾遺
像供其菴中令此菴不寂寞也須熟記取至萬歷四十
年冬天然亦化去矣擇以十一月十八日衆共送龕於

菴園第五 釋異

大知不足齋重訂

山側茶毘弟子記禪師臨化之言其夜卽與羣僧昇師
厥像供養於天然菴明日十九寺卽延燒樓殿山門悉
成灰燼禪師先覺之明至是大驗無不向空作禮謂爲
聖人云相傳禪師是普賢再來故神通如此廣大初遊
杭州之雲棲時蓮池宏大師出家未久徒輩崇奉乃設
上中下三等齋供以上等供師其餘待客接衆並得中
下食禪師見而怒曰如此作事爾後只可閉門喫飯何
用開法席乎拂衣而出宏大師聞而慚愧追之不及遂
戒弟子罷設三等齋供至今雲棲不開正門爲肉身菩

薩說破也

海潮寺病僧

萬歷壬子冬十一月十九日海潮寺中火起佛樓須臾
遍滿宮殿時有一病僧臥韋馱尊天像下此像是大智
禪師裝塑高可數尺忽作人語叱病僧起曰火來也尚
不速走乎病僧不覺躍然而起蒼尊天曰我馱老爺出
去韋馱倚之而行其去如飛病僧初不覺重俄而移置
山門外得不火明日七八人舁之不能舉矣病僧沉困
之苦逡巡頓蘇筋骨強健逾於平昔古德相傳韋馱尊

僧園第五

釋異

七

知不足齋叢書

天以十二童真梵行不交天欲成就正果現將軍身而
爲世間宏護佛法所謂南方天王韋將軍是矣宜其神
通不可思量者歟大智禪師存日每遇庫房齋糧缺少
便握一撮秣米於掌中擎一淨水椀向天尊像前啟請
曰十方大衆在寺脩行今齋糧不給願菩薩感供咒畢
卽擲秣米數粒於口次第取水含嚙下之如是一晝夜
不嘗飲食不出三日便有齋供船到嗟夫非禪師道行
之高何以致人天感應若斯之異者乎顯神病僧尤爲
奇特蓋與金剛之假力於北齊稠公古今合轍矣

南山和尚

南山和尚者法名真金形軀短小傳是北地人不詳氏族鄉土所出神力超越世莫測其繇蓋萬迴杯渡之流也嘉靖末年東遊入吳郡見北寺佛圖火廢所在荒蕪慨然興鼎新之志於是大顯神通震驚道俗常以騰踔爲戲使木工從塔頂插木搭架上造盤車凡諸磚瓦土石轉盤而上捧繩一團長計百餘尺施關捩以貫之木首將一繩頭拋下啣口中咬定繩結次第徐徐收起身足離地望空而升直達第九級鈴簷之上自西至東

猿園第五 釋異

六知不足齋重訂

自南至北上下馳走如飛少年角力聚馳塔下喘促汗流終莫及也又於其上舞輪升竿弄丸白打無所不爲捷若猿猱疾同鷹隼常用一脚倒挂於簷角良久起行如故有時插一木出簷外數尺許騰身立於木杪以手障目作望海夜叉形相宛然無二又能入佛殿中蹋壁橫行蜿蜒數百步而止看人逾萬毛豎股慄歎希奇事發歡喜心爭先踴躍咸共石施金錢帛指鑲釧釵之屬出而施者不可稱量後因匠食不給出募齋糧製一大鉢盂中可容數石米造雙輪車盤出街上婦女雲集

小兒塵擁開戶外推車聲便知南山鉢至矣每日滿載而歸不數年間衆緣既湊佛圖重建金龕煥麗窮極一時和尚以後便甞住增坊將所長木石購立精舍於寺後今之退居是也經積三十多年壽七十餘化去臨化之日囑其徒以二缸盛尸埋於寺後土岡之下弟子依言而殯後尋遺骸莫知所在矣竒踪跪跡頗難記錄故老每述其道行輒肅然起敬焉

徧融國師

徧融者陝西人或訛爲卜容以俗姓名呼之長面頰下

僧園第五釋異

九知不足齋重訂

垂額有肉墳起如珠兩耳覆其肩身長九尺三寸音吐如鐘住廬山脩行六十三年有猿獻果烏傳松之異隆慶元年出山行脚到西川峨眉一年遊於金陵在水西門沿家跪而托鉢魏國公迎養於家又一年始詣北京興龍橋茶亭挂褙又三年仁壽太后迎養於千佛寺自是多出入禁中京城內外無不尊之爲卜容國師矣主上幼冲江陵秉政貶斥佛教惡其惑衆收之付獄在獄七日大顯神通凡獄中所用銅鐵杖械桎梏之屬並是高皇帝時所鑄舊物無故摧裂天子心異師寃有詔赦

出仍畱寺中供養時萬歷九年事也其從來靈異莫可
備紀每入定殭立四十九日不仆凡西方安養國土清
淨香海無不神遊徧歷及出定則高聲誦佛而來還向
宮中具說蓮花境界有如臨見聖母聞而改容嘗入宮
講經畱賜齋供外傳寺中復有一卜容登座說法人莫
測其游戲也至萬歷十一年秋八月師欲辭世乃自吐
三昧火焚身端坐五色雲中舉手謝鄉里而化化時一
百七歲矣

花子觀音

猶園第五 釋異

十知不足齋重訂

花子觀音者北京人也不知姓名嘗帶索襤褸跣行乞
食因而爲號嘉隆間千佛寺金剛脚下脩行人初不肯
信之皇上登極仁聖太后奉像敎召而見焉頗加禮敬
善知人間未來事發言多中朝貴因詣之以決祿命焉
每將行乞入市伽藍神先爲感夢繇是都門士女甚見
信崇其聲如洪鐘自巷坊達於宮禁散施金錢嘗得滿
手忽一日詣闕謝恩仰天吐火自焚於朝門外立成灰
燼衆咸駭異上歎曰花子觀音今日駕祥雲去也萬歷

九年事

淡薄苦松

苦松頭陀者不詳鄉土隆慶中草棲於五臺山側善驅龍咒虎之術嘗挂一大銅瓢自隨有五色神龍游泳其中不知者觸之輿風作浪走石飛砂師咒之至於鐵樹

下五臺山鐵樹歲以六月十九日開花

然後寧息京城內外常飛神出入

往來萬歷九年六月十九日忽詣皇極殿前叩頭謝恩傳聞禁內有詔宣入歛失所在上初不信敕遣使往五臺推驗之使還具奏報云苦松師於六月十九日化矣上大驚時年九十三歲人以其一生操行精苦呼之爲

獐園第五釋異

十二知不足齋重訂

淡薄苦松云

幻空法師

法師名圓果號祇園弟子稱爲幻空法師鳳陽衛守陵指揮使也少卽棄官學道出家於五臺山從秀禪師披剃淹貫經論頓悟真如東遊至於蘇杭登座說法者二十餘年天花晝下繽紛如雨講席之盛所未嘗有實自

師而始也嘉靖三十三年浙中倭亂杭城被圍績溪胡官保公宗憲聞師道高命監司延請出山領兵退賊時師卓錫於杭州古蕩之佛慧寺使者至具述開府監司

仰望之意甚殷師坐青紗帷中從容語使者曰我久不持兇器過此三日賊自當退無憂也使者不可褻幃而觀歎忽不見及下幃師又端坐語言如初再啟視寂無影跡矣於是大駭不敢強而去還報監司監司以其事聞于開府相與歎以爲神果三日而賊報退矣軍士咸見雲中有神兵數千人擊走倭奴倭奴皆踉蹌奔竄圍遂解杭城生聚獲免於兵燹者皆師力也佛慧舊有虎患有一斑斕白額騎於香積廚邊牆上沙彌百餘人咸怖而散走師提繩牀坐隔牆竹林中咒之虎不能下急

猿園第五

釋異

士知不足齋重訂

作叩頭狀師叱曰業畜爾後再來嚇小沙彌不放汝還也復咒如初虎便翻身撲地而去明日遂絕虎跡師道貌奇偉面相滿月大於斗聲如洪鐘每拈花微笑則宛然與彌勒無異臨化之日囑付弟子曰藏吾棺於寺傍俟十年後茶毘果示寂十年而龐御史下車杭城不容寺中停柩悉命焚棄師徒聚薪於野昇棺至忽自起火灰燼無遺道俗來觀者千人咸見白雲中現出西方景果有七重欄楣七重羅網七重行樹七寶池金沙地樓閣宮殿並是金銀琉璃玻瓈瓊瑤赤珠瑪瑙之所嚴飾

池中開出青黃赤白蓮花白鶴孔雀鸚鵡舍利迦陵頻
迦共命之鳥種種奇妙與佛說彌陀經所載無有差別
俄而天樂震空移時方滅始知師之神異有不可思量
者焉

峨眉山異僧

異僧西蜀人也不知其姓氏出家於峨眉山道行高潔
宗律兼通聞其名者莫不染漬風流嗚仰元味萬歷中
東遊渡江止於吳下見臯橋張承祖好善受供養於其
家承祖其年病熱而死死去時急奔出閭門外下塘見

猶園第五 釋異

吉知不足齋重訂

一徽商大宅與黑衣者四人同入門適有一器在地其
家置羹藩於中以飼犬者見四人取噉承祖覺喉中渴
甚亦取噉之須臾而盡不知其身已投犬胎託生矣是
日異僧中夜入定睹承祖託生因緣趣披衣起待天明
攜禪杖徐出閭門物色徽商家驀直走入中堂果見牝
犬乳五子毛色皆黑矇矇未視獨其一徘徊嚙嚙遽於
僧足如有所求異僧叱而語曰業畜業畜何故墮落此
中速隨我還家矣運杖力擊其首犬踏地而斃及異僧
返承祖已甦具說身墮犬胎中賴師拯救得由迷津命

妻子設禮望僧拜焉於是傾家追福闔門鍊行以終其身僧後忽去不知所適

響佛和尚

南海有一方僧每夜登補陀山顛高聲誦佛響振林谷雖風雨雪霰之夕端坐誦之如故人遂呼爲響佛和尚矣曾遊吳中止於報國寺許久方去莫知其名號鄉國也

羅漢番僧

姑蘇城南報國寺萬曆辛亥年七月中元建孟蘭盆齋

僧園第五 釋異

古知不足齋重訂

時有羅漢番僧至自西域于闐國人名尊住鎖南道行甚高寺僧便相敦請登座放燄口法食此番僧能以一小鐵鍋置炭火中燒赤用左手三指擊之更令取沸湯貯滿其中却含其湯於口噴衆人頭面上其水清涼沁肌曾不焦灼衆莫測其神通也人問師有術乎曰有問可學乎曰可學但汝無信心

紫檀禪師

禪師名真可號達觀和尚蘇州吳江人也聰穎出類才辨不凡少爲虎邱山寺行童後居嘉興結茆郊外始落

髮爲沙彌俗未之奇也一日行過城南書舍有老生朗誦毛詩中生芻一束其人如玉之章卽作禮求解其義老生具告之故是時沈侍郎思孝以比部建言朝野推重家方有喪師便取稻草束而齊之詣門行弔衆相驚奇稍稍物色其廬初不識文字後借人經論觀之悉曉義理博通旨趣率爾酬對皆造禪宗繇此縉紳士庶無不翕然歸信之矣師遂以傳佛心印爲任錡槌棒喝瞬目揚眉應機騁辯深微鋒出兼提念佛法門以榜鈍漢雖經行無常處所至知名縉俗供事者不可勝數余游

猶園第五

釋異

五知不足齋重訂

荆南過一村坊小巷中有坐關老衲念佛之聲甚高因與問訊不荅同遊者謂余云渠念佛忙無工夫荅客余徵故荅云此僧是菴主近日達觀住此菴一月臨去僧求指示觀便此弟子將此僧反背起正南而立觀因五體投地設四拜禮每下一拜高聲稱南無阿彌陀佛拜畢乃告之曰我去後汝當作如是念佛受吾四拜不速懺悔永墮無間中無出頭日矣此僧恠汗不知所出遂發精進勇猛心悉以衣鉢之資置大豆十石置前爲記晝夜不敢輟聲常恐豆之不盡也據一事觀之師之老

婆心熱若此豈得以俗見凡情窺測其道行耶慈聖皇
后深加恭敬賜以金襴紫袈裟師自是出入禁中未幾
遂及於難臨化高聲稱念救苦觀世音者三端坐而去
兩鼻下垂肉柱長徑尺餘皇后製錦繡寶幡百幅送其
葬幡上并織南無紫栢禪師六字余從蓀谷見師畫像
真是滿月疑是佛果中來而師平居所著詩文率多了
悟語絕無窠臼自石門文字禪已來斯爲元妙也語錄
行世惜未見焉

雲棲大師

猶園第五 釋異

六知不足齋重訂

大師俗姓沈氏名祿宏字佛慧號蓮池和尚杭州仁和人
也弱冠舉邑茂才不樂儒業立願出家然其厲行甚
苦經論宗旨多所博通無不研元洞微兼總條貫隆慶
末年行脚至五雲山下得宋伏虎遺剎愛其地幽寂繩
牀瓦鉢燕坐頽墻敗壁之間時塢多虎患山下人家環
村四十里歲傷於虎者不下二十人羊豕之屬無算師
乃大發慈悲諷經千卷設放瑜伽法食津濟之自此虎
不爲暴居者行者悉賴以安歲大旱師禱於山中甘雨
四集村民異而德之樂輸財力助興廢址雲棲故先吳

越王香火至是百年榛莽之區一朝煥然還舊觀矣四十年來簪纓縫掖圓頂方袍染高風而喰理味者叅禮供養半傾東南衣冠氏族至有違家背室結廬塢中熏蒸大師之教非德行之高潔何以致此師道貌清古語音朗暢平生不設講席不處高座恥以道德驕人卓然名聞利養之外末年齒德並高與人酬對只以念佛法門爲善誘而閒居著述兼明性宗所著有彌陀經疏鈔緇門崇行錄禪關策進等書數十種鉉行於世信知宏興佛法爲古德再來也

僧園第五釋異

七知不足齋重訂

有門法師

有門法師名傳燈一號無盡太末人也出家天台之高明寺少精鍊戒行學識高出道流常撰天台山志甚有禪藻發心造楞嚴壇於山中用諸品香和其泥搗成塗壁經費浩繁又繪十二大菩薩像所至講席如雲萬歷己亥新昌縣石佛菴請師講大彌陀經天樂迎空者凡七晝夜而散聞其聲者千人其時石佛住持守菴道人坐化而去沙彌空相聽講還吳具述希有

震溟傳宿

尊宿失其名法號震溟北地人也辨慧絕倫精持戒律曾遊迦毘羅國此國是釋迦文無誕生之地有緇無俗與中華相去十萬八千尊宿往三年盡傳其國梵音真言歸而流化東土新學後進多所依皈持咒者皆受其教焉

心光長老

長老法名如瑞號心光常熟人也幼失怙恃行脚補陀五臺雞足峨眉九華地水火風四處歸於吳門夜大雪向楓橋人家投宿疑其爲賊厲聲拒之毆擊相繼復投

繪圖第五

釋異

夫知不足齋重訂

一家然後止焉如瑞啟問主人此地側近有叢林乎主人曰有一正覺菴已廢久矣菴基尚存無人興建如瑞乃籲天而誓曰吾當重締此菴接供十方無忘今夜雪中之苦於是端坐持咒迨曉卽起而踪跡其故處所有衣裝悉變易之先編籬條作棚立其中供佛誦經晝夜不輟人稍稍有聚觀之者其夕吳縣袁明府宏道夢與長洲江明府盈科並駕出楓橋迎接御史忽見岸上有一白鬚老父身著綠衣揖袁明府而告之曰我吳中枝指道人祝允明是也帝命爲正覺菴伽藍神助心光和

尚重興道場公有文名煩作一記既覺異其事明日語於江三日後報新御史按臨二公果出楓橋迎候袁明府召里正而問之曰此地有正覺菴乎對曰有之但廢久矣今有一外方僧來結棚募化尚無人作緣也袁復問曰其僧得非名心光者乎又對曰不知何名心光乃其法號也二公相與驚歎果契夢中之言因推江明府撰文共捐羨鏹捨施絲是道俗奔轅遠近爭輸助造殿堂兼築精舍竭貲財窮土木不逾三載遂成大叢林矣袁後擢爲天官員外郎具奏其事於闕下詔改菴額曰

猶園第五

釋異

十九知不足齋重訂

敕賜慈泰護國禪寺施經一藏遣中貴護送至寺中別創藏經閣貯之易荆榛灌莽之區而爲金碧琳琅之境皆長老力也先是袁明府移病還公安時擇日飯僧其夕復夢祝京兆來謂曰願遲一日設齋明晚尚有一僧來也屆期果心光長老自吳門至遂改設同飯京兆之兩感異夢斯亦甚奇今爲寺中伽藍神奉香火之薦焉

僧如榮

巴下五人並雲棲座下法衆蓮池師立傳余採而著於編

如榮俗姓金氏法號大賢杭州海寧人也壯業屠沽爲豕所嚙遂感悟出家縣之北寺後歸雲棲時年六十矣

晝作夜持精勤不怠萬歷九年生日設齋飯僧長跪如
來貌座前厲聲願生西方者三衆環繞念佛合掌吉祥
而逝

僧如清

如清俗姓阮氏法號法源紹興上虞人也初出家於西
湖龍井寺後入雲棲銳志念佛誦法華經六時禮拜萬
歷十一年得疾沉綿者數月既革忽聞堂中念佛聲矍
然起坐中夜合掌注視金容奮迅翹仰而逝

僧廣槐

猶園第五 釋異

予知不足齋重訂

廣槐俗姓陳氏法號東林金華浦江人也少從事行伍
間後遂委妻子落髮於清水菴爲僧慕雲棲發大誓入
山脩行既受具進菩薩戒信力堅貞至心持金剛經中
夜諷誦寒暑不輟臨終諄諄以及時念佛爲囑盡散衣
鉢齋供衆僧斂容而逝

僧廣如

廣如俗姓來氏法號本真紹興蕭山之世族也二十九
歲出家雲棲聞蓮池師訖贊伏牛銳然向往遂受具進
菩薩戒砥礪苦行端莊自持破碎衲頭形同土木而性

至孝母年八十到山中來看廣如病不能去師爲縛小
茆於寺側俾終養之廣如私減己膳奉母不令師知也
母既亡半月而疾作亦逝逝之日呼大衆檢取衣裝買
名香異果以供其師從牀躍起安坐竹繩牀中脫去撫
其首猶挺然直也

僧大冥

大冥俗姓朱氏法號照空嘉興人也自幼目失明兄欲
教之算術照空不樂爲術士願事空王兄爲送之出家
卽歸雲棲誓鍊行以終身焉師以其盲遂命名曰大冥

僧園第五

釋異

至知不足齋重訂

而字之照空冀其盲於目不言於心也爲人醇謹奉道
精勤後又爲家人以事逼歸遂畱不遣大冥忽忽不樂
遂成疾已又仕大聖寺將一年疾日益篤蓮池師偶過
朱涇訪船子和尚遺跡路經大聖寺大冥病中色喜求
附載還雲棲纔入寺門合掌向佛及諸比丘歸涅槃堂
遂巡化去

三塔寺漁翁夫婦

嘉興府西門三塔寺前舊有漁船十餘隻停泊其下近
年間有一漁翁與其媪並八十多歲人捕魚爲業忽於

歲除之夜沽酒烹魚召諸子孫列坐船頭共飲爲樂飲罷漁翁忽謂其媪曰阿婆我今夜好歸去也言訖泊然而化老媪隨應之曰老漢慢走待吾同行須臾瞑目亦坐亡矣明日子孫盡鬻其漁具得錢數百貫付三塔寺僧建梁皇道場設放瑜珈甘露法食凡七晝夜懺除積愆於是折筭裂網棄業改行寺僧來王微君座上說之忘其歲月矣

錢氏子

萬曆中長洲永倉錢氏子失其名弱冠爲秀才忽一日

猶園第五 釋異

至知不足齋重訂

閒行過村坊僧舍見案上有圓覺經一卷展閱其半歎曰西方聖人之言精妙一至此乎儒門所不及也我當棄儒業歸向其道還家便取衣巾焚訖辭別父母妻子復投僧舍研尋經義頓悟上乘一日無病坐而化去

京師婦人

京師有婦人夫婦持齋並爲人念佛得齋襯錢度日自鄉徙於京城歲餘忽患病半月思得一新淨白衣送終夫旣貧窘無力裁製適有女冠過門持白衣施之甚新淨婦人得衣頗有喜色便坐而亡鄰里募木造龕茶毘

之此萬歷壬子秋事也王太學家齊至京親見其事不
記姓名

陳道民

道民姓陳氏法名明覺吳江人也自幼持齋嘉靖二十
六年投祇園法師爲弟子許其在家出家不與落髮明
覺六時功課口不離佛爲里人誦經禳災頗有徵驗人
多敬信之四十二年杭州昭慶律寺開戒覺往受焉至
萬歷十五年九月中安然無病預知亡期詣諸道友門
告別至十七夜其婦方篝火絡絲覺向婦拱手作別婦
頗以爲訝覺給之曰睡去也婦便相隨入房見其坐牀
角上脫兩鞵與襪以帶并縛之笑曰今朝與汝作別明
朝著不成矣婦亟呼其兒女移燈看守中夜念佛聲絕
便化去至三七之中其子夢雲中猛將神下來急索明
覺文憑子未之悟明日起視箱中則受戒之牒宛然在
焉禮懺焚牒是夜復夢其父來別囑以戒衣挂樹頭風
化不得火焚匆匆束裝而去

李倪兩木匠

數年前蘇州闔門內有木匠姓李氏雖爲工人自小慕

念佛法門後亦竟持長齋人與工值不問多寡暮年自製一龕子無病詣其女家告別云某日某時當去至期坐龕中僱人舁之而出索火不得乞一枝綫香吹氣三口其上火光繞龕須臾成燼時又有南城倪木匠者住五龍堂前念佛持齋爲人施造佛寺亦製龕子無病詣諸道侶作別還坐龕中儵然而化鄰里驚歎爲之茶毘

錢貞奴

吳興有農家婦人錢貞奴性好潔不與人殊旣嫁於農家凡蠶桑織紉之事悉不肯爲少不悉文字往往談人

繪園第五 釋異

吾知不足齋重訂

休咎頗多靈異里中呼之爲聰明娘一夕無病呼家人具沐浴旣訖便對鏡妝梳告其姑曰兒乃弁山土地神妾也昔因忤主獲罪謫譴人間今限已滿復來相召不可畱矣語畢端然長逝又十年其夫亦卒姑乃延寺僧禮懺以資二人冥福道場初起其夜姑夢貞奴著淺黃衫子而來謝曰兒喜見滿地蓮花靈香繞室承姑禮懺功德非久當脫鬼神趣證生善地去也姑覺而異之明夕又夢貞奴謂曰昨所見蓮花皆化爲青蛇此功德無用矣姑覺而復異之徵其故坐中一僧是酒肉沙門溷

觸道場故也聞於沈顥

台州營卒

嘉靖甲寅年間東齊戚將軍繼光繇副將分部台州時有營卒病死感夢於婦曰冥中功果惟持金剛經福力最大卿試爲吾告於主將親爲誦之繼光雖居戎幕頗好道平居常受持金剛經旣聞卒妻所陳之牒信其靈談遂爲焚香佛室至心持誦誦至半忽有童子自外行茶至繼光微示不用意麾去其茶是夜卒婦復夢其夫曰主將爲吾誦經極其精誠奈經半增出不用二字故

猶園第五

釋異

一五知不足齋重訂

功德未免唐捐卿再詣之乞靈其婦明日又具牒白見其夢如初繼光始悟茶至之言卽復虔誠改誦誦畢就佛前回向悅見此營卒跪謝於庭須臾聞稽顙聲形遂滅又明日卒婦來謝曰兒夫夜復見夢賴將軍誦經功行得超鬼趣矣

千善菩薩

千善菩薩者四川敘州彭山縣田家女也生而端潔志慕空元女紅中饋性所不閑親戚往來一無聞見常欲捨俗出家父母不許嫁之前村某氏子夜則夫婦雖同

寢處每燈滅後忽見牀中湧起牆壁互相間隔其夫不得輒近如是經月稍稍聞於姑姑未深信夜就看之因畱伴宿燈滅而壁湧如故姑驚起于善笑曰安得牆壁間隔是君家心有窒礙故耳及明則牆壁皆不見矣又如是者兩月夫族目之爲妖相與陳訴於縣縣遣吏追驗其事委無異詞命錮之深山石洞中洞方廣不踰尋丈甚黝黑似寢息處而無烟爨旣送于善入卽用磚塞洞門惟畱寸餘一竇以磚甃成時其啟閉不遺粒米糞絕其食而死隔數日消息之宛然端坐其中却通光明

繪園第五 釋異

三云知不足齋重訂

無所苦也于善家母兄憐惜裹糗相噉而于善鼻間詡詡有氣不復思人間飲食因謝去其兄越三月再來啟視則容光炳耀神采煥發洞中供佛像燈燭湧空異香芬苾明如璫璃天華滿席不知所從來也其兄問于善曰汝住此豈有天人供養乎當以何時白異寃耶于善曰遇桓而開傳其言於外衆皆往伺舉俗同見於時遠近莫不嗟異旣三年矣適有浙江山陰縣人徐觀察名桓者分巡西川按臨其地聞而親入山中驗之于善忽謂觀察曰郎君方有大厄避讎於丹陽道中越二日

信使至果然時徐君夫人崇信內典遂下令毀洞門求
于善奉事于善曰某有罪謫未滿愆期不可出也徐曰
然則何時滿限乎曰遇寧而滿徐遂不敢強之出復塞
洞門如故未幾徐以遷轉去尋病歸山陰倏忽四年其
事都忘之矣又有一觀察姓寧名瑞鯉赴任浙中繇敘
州經此山洞人言有聖姑居此洞中寧遂往問云某之
官赴浙師不靳指示乎于善曰無他指示但爲我稍一
信與徐副使可也寧旣入浙特過山陰訪徐道其事徐
乃悟急遣人入川中迎于善計其巖棲絕粒十有八年

僧園第五 釋異

宅知不足齋叢書

矣抵浙之日萬歷辛亥歲也明年春浙中吳方伯用先
延于善入武林繙流數百捧香花提燈燭引導至藩司
供養三月闔門欽敬至是日噉蔬果如常人惟不矢溺
而已叩以禍福無不奇中杭坡事如神明後復送還山
陰徐宅白黑皈依奔波過江者千人又一年于善忽示
微疾語徐曰某將逝決必仍歸骸骨於西川徐夫婦備
加慰藉于善曰死生去住亦細故耳吾終後不須製龕
可置一大桶坐我其中於外加銅箝數圍三年後箝斷
送歸無悞也徐果置桶具如所教于善目擊多將燈心

草爲茵是名軟草坐此功德無量矣經理既定沐浴更衣便入桶中合掌安坐而逝道俗來看令念般若贈行繇是旅衆競呼之爲千菩薩矣癸丑夏西川旅泊和尚敘此因緣先是壬子秋希言客方伯幕下具所諸聞也

西裏僧

明萬歷年間海宇寧謐邊陲晏然九譯來庭千里却獻時有西域異僧利瑪竇者航海梯山來朝聖君貢自鳴鐘長明燈天主繪像內宮珍重絕莫測其製也於是天

稽園第五

釋異

天知不足齋重訂

子異之非時引問命四夷館賓焉將授一散職官瑪竇辭不敢拜但服中國衣冠往來公卿縉紳之家共相酬對而已時同舟而濟者凡八十一人庚戌之夏瑪竇病瘁卒於京師而此八十一人亦後先命過止存二人流落吳越間並年近百歲眉長尺許環穿耳上輕健如未老人衆呼之爲西裏僧矣後此二人結廬杭州之錢塘門內水溝橋下言人禍福最多神驗有難解事叩之立解累年不舉烟火而好事相訪設具相畱間出珍膳異果啖者莫不玩味忘歸又能用勾股法以測天地高深

廣遠之數凡所推步一一無差其術與陰陽五行家稍異或云卽周髀算法大抵方爲數始圓爲數終圓始於方方終於圓得其理甚無難也上海徐翰林光啟昔言嘗授數學於瑪竇其理以一貫萬疑卽此法

雙宗

雙宗阿師不知何郡縣人萬歷辛亥自北地來渡海禮補陀大士遂卓錫虞山之東阜小菴停三宿端坐脫去時方八月秋暑未消三日而捫其體猶香也鄰人高乙數推仆之屹然不動悔謝作禮一時善信驚聞讚歎至

猶園第五

釋異

未知不足齋重訂

七日龕成卽於菴後茶毘一日有仁府城金昌館前見師頂笠西行訊之云自虞山東臯菴中來也孫亂伽作傳

桃花菴長老

桃花菴長老失其名持齋喜飲飲不過數酌爲人誦經畢夜歸自取牀頭所藏甕醅傾一小樽溫之飲已滅燈而寢年八十預知亡期誡其徒勿出是日僧衆悉出其徒獨畱長老沐浴具袈裟巾一新草鞵著之曰西方路上會須走得快也便端坐示寂

繆居士

常熟縣居士繆元館於沙頭王家兩歲矣齋中供觀世音菩薩像一軀虔脩淨業日以爲常萬歷癸丑春元祝釐天竺而還忽見菩薩座下迸出綠笋一枝半月長近丈餘矣又十餘日露梢解簾橫亘屋梁漸穿入椽罅中長枝下垂短枝鉤上結成翠色寶蓋覆於菩薩之頂看人無數至今尚存

張織工

蘇州城東織工張甲傭織爲業歸卽持誦往生咒不輟

猶園第五

釋異

三知不足齋重訂

一日鄰人籠伏雌而來寄哺雞卵一窠置於窗下停數日甲夜夢十二小兒詣門謝云某等罪業深重墮畜生道中賴長者咒力悉獲度脫往生人間言已各各稽首而去甲寤而怪之舉其籠甚輕啟視則十二雛皆空無有矣居士沈顥述

猶園第五



